



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KT 0024163 23
Sarajevo, 22.08.2023. godine

SUD BOSNE I HERCEGOVINE

S A R A J E V O

Sudija za prethodno saslušanje

Na temelju člana 35. stav 2. tačka i) i člana 226. stav 1. i člana 227. Zakona o krivičnom postupku Bosne i Hercegovine, podižemo:

O P T U Ž N I C U

Protiv:

Milorada Dodika, [redacted] rođenog
1959. godine u Banja Luci, [redacted]
državljanina Bosne i Hercegovine,

Miloša Lukića, [redacted] rođenog [redacted] 1987.
godine u Tuzli, [redacted]
državljanina Bosne i Hercegovine,

Što su:

U vremenskom periodu od 01.07.2023. godine do 09.07.2023. godine u Banja Luci, Milorad Dodik i Miloš Lukić, svjesni i znajući da je Visoki predstavnik za Bosnu i Hercegovinu, Christian Schmidt, donio Odluku kojom se sprječava stupanje na snagu Zakona o neprimjenjivanju odluka Ustavnog suda Bosne i Hercegovine, broj: 14/23 od 01.07.2023. godine, koji Zakon je Narodna skupština Republike Srpske usvojila na osmoj posebnoj sjednici održanoj 27.06.2023. godine i Odluku kojom se sprječava stupanje na snagu Zakona o izmjeni Zakona o objavljivanju zakona i drugih propisa Republike Srpske, broj: 15/23 od 01.07.2023. godine, koji Zakon je Narodna skupština Republike Srpske usvojila na sedmoj posebnoj sjednici održanoj 21.06.2023. godine, sa kojima su prethodno bili upoznati i protivno tome preduzimali službene radnje u cilju nastavka zakonodavnog postupka, a ne primjenjujući i ne provodeći navedene Odluke Visokog predstavnika, i to:

1. Milorad Dodik, kao službena osoba u instituciji Republike Srpske, u svojstvu predsjednika Republike Srpske, koristeći ovlasti propisane članom 80. stav 1. tačka 4. Ustava Republike Srpske „(Službeni glasnik RS“, broj: 21/1992 , 28/1994 - Amandmani XXVI-XLIII, 8/1996 - Amandmani XLIV-LI, 13/1996 - Amandman LII, 15/1996 - ispr., 16/1996 - Amandman LIII, 21/1996 - Amandmani LIV-LXV, 21/2002 - Amandmani LXVI-XCII, 26/2002 - ispr., 30/2002 - ispr., 31/2002 - Amandmani XCIII-XCVIII, 69/2002 - Amandmani XCIX-CIII, 31/2003 - Amandmani CIV i CV, 98/2003 - Amandmani CVI-CXII, 115/2005 - Amandman CXIV, 117/2005 - Amandmani CXV-CXXI i 48/2011 - Amandman CXXII i "Sl. glasnik BiH", br. 73/2019 - odluka US BiH) donio Ukaz o proglašenju Zakona o izmjeni Zakona o objavljivanju zakona i drugih propisa Republike Srpske, broj: [REDACTED] od 07.07.2023. godine, na način da je isti svojeručno potpisao, koji Zakon je usvojila Narodna skupština Republike Srpske na sjednici održanoj 21.06.2023. godine i na taj način ne primjenjujući i ne provodeći Odluku Visokog predstavnika Christian Schmidt-a, broj: 15/23 od 01.07.2023. godine, koja Odluka je stupila na snagu tog datuma, a kojom se obustavlja zakonodavni postupak donošenja navedenog Zakona, kao i Ukaz o proglašenju Zakona o neprimjenjivanju odluka Ustavnog suda Bosne i Hercegovine, [REDACTED] od 07.07.2023. godine, koji Zakon je usvojila Narodna skupština Republike Srpske na sjednici održanoj dana 27.06.2023. godine i na taj način ne primjenjujući i ne provodeći Odluku Visokog predstavnika Christian Schmidt-a, broj: 14/23 od 01.07.2023. godine koja Odluka je stupila na snagu tog datuma, kojom se obustavlja zakonodavni postupak donošenja navedenog Zakona, a koje Odluke Visokog predstavnika su objavljene u „Službenom glasniku Bosne i Hercegovine“, broj: 47/23 od 07.07.2023. godine, iako je bio svjestan da su

Odluke Visokog predstavnika u Bosni i Hercegovini obvezujuće u skladu sa ovlaštenjima koja su mu data članom V Aneksa 10 Općeg okvirnog sporazuma za mir u Bosni i Hercegovini i članom II.Id) navedenog Sporazuma, a sve u namjeri da se navedene odluke Visokog predstavnika za Bosnu i Hercegovinu ne primjene i ne provedu, obzirom da je za primjenu i provedbu ovih Odluka bilo potrebno uzdržavanje od daljnjeg zakonodavnog postupanja, nakon čega je prvoosumnjičeni navedene Ukaze proslijedio u Javnu ustanovu „Službeni glasnik Republike Srpske“ radi njihove objave i potom stupanja na snagu navedenih Zakona, a koje posljedice je i htio;

2. *Miloš Lukić, kao službena osoba u Republici Srpskoj, koji je dana 08.07.2023. godine imenovan Rješenjem predsjednika Vlade Republike Srpske, [REDACTED] za v.d. direktora Javne ustanove „Službeni glasnik Republike Srpske“, odmah slijedećeg dana 09.07.2023. godine u tom svojstvu, koristeći ovlasti direktora te ustanove, propisane članom 24. stav 3. Statuta Javne ustanove „Službeni glasnik Republike Srpske“ i članom 26. Pravilnika o unutrašnjoj organizaciji i sistematizaciji radnih mjesta JU „Službeni glasnik Republike Srpske“, Banja Luka, [REDACTED] od 27.07.2022. godine, potpisao obrazac [REDACTED] „Službenog glasnika Republike Srpske“, broj: 60/23 od 09.07.2023. godine, na koji način je omogućio sprovođenje procedure objavljivanja Ukaza o proglašenju Zakona o izmjeni Zakona o objavljivanju zakona i drugih propisa Republike Srpske, broj: [REDACTED] od 07.07.2023. godine, koji Zakon je usvojila Narodna skupština Republike Srpske na sjednici održanoj 21.06.2023. godine i Ukaza o proglašenju Zakona o neprimjenjivanju odluka Ustavnog suda Bosne i Hercegovine, broj: [REDACTED] od 07.07.2023. godine, koji Zakon je usvojila Narodna skupština Republike Srpske dana 27.06.2023. godine, koji Ukazi su potom i objavljeni u „Službenom glasniku Republike Srpske“, broj 60 god. XXXII od 09.07.2023. godine i koji Ukazi su prethodno na način opisani u činjeničnom opisu tačke 1. ove Optužnice dostavljeni drugoosumnjičenom na dalje postupanje, koji je po istima i postupao, iako je bio svjestan da su Odluke Visokog predstavnika u Bosni i Hercegovini obvezujuće u skladu sa ovlaštenjima koja su mu data članom V Aneksa 10 Općeg okvirnog sporazuma za mir u Bosni i Hercegovini i članom II.Id) navedenog Sporazuma, a sve u namjeri da se navedene Odluke Visokog predstavnika za Bosnu i Hercegovinu ne primjene i ne provedu, iako je bio dužan da se suzdrži od provođenja daljnjih radnji imajući u vidu naprijed navedene Odluke Visokog predstavnika opisane u preambuli ove Optužnice, a koje posljedice je i htio u odnosu na stupanje na snagu navedenih Zakona.*

Dakle, prvoosumnjичeni Milorad Dodik i drugoosumnjичeni Miloš Lukić, kao službene osobe u institucijama Republike Srpske, nisu primjenili i proveli Odluke Visokog predstavnika za BiH,

Čime su, prvoosumnjичeni Milorad Dodik pod tačkom 1. ove Optužnice i drugoosumnjичeni Miloš Lukić pod tačkom 2. ove Optužnice, počinili krivično djelo Neizvršavanje odluka visokog predstavnika iz člana 203a stav 1. Krivičnog zakona Bosne i Hercegovine u vezi sa članom 54. istog Zakona („Službeni glasnik BiH“, broj: 3/03, 32/03, 37/03, 54/04, 61/04, 30/05, 53/06, 55/06, 32/07, 8/10, 47/14, 22/15, 40/15, 35/18, 46/21, 31/23 i 47/23).

**Tužioc
Tužilaštva BiH**